

師子莊嚴王菩薩請問經序

大唐終南山釋氏道宣撰

輔以所聞序之云爾

唐中天竺三藏法師那提譯

觀夫法王利見權巧殊途或聲光動人或開智攝物立儀列相興像設之機緣聚沙塗地表乘時之淨養斯德有歸可略言也

有師子莊嚴王菩薩者學周八藏智越五乘籍勝報而開教端寄善權而行圖範故使方壇外啓圓場內羅列入座而延八聖陳四報而成四德空有兩業自此修明大小諸乘因茲增長可謂摶攝六度之玄略統願行之明覩其道易而可修其儀約而難隱智有通塞道涉宏隆時運所歸近聞東夏逮龍朔三年冬十月有天竺三藏厥号那提挾道開萌來遊天府

皇上重法降禮真人厚供駢羅祈誠甘露南海諸蕃遠陳貢職備述神藥惟提能致具表上聞霈然下遣將事首途出斯奧典文旨既顯異由來之所傳道場不昧赴機緣之淨業

爾時衆中有菩薩摩訶薩名師子莊嚴王從坐而起來詣佛所頂禮雙足達無數帀而白佛言世尊我於過去億百千那由他諸佛所廣預大會然未曾覩如今所見欲有請問惟願聽許佛言隨汝所問當爲解說爾時師子莊嚴王菩薩白佛言世尊如來往昔修何勝行今獲如是人天中尊爲諸菩薩大聲聞衆天龍八部之所圍遶供養恭敬尊重讚歎願爲演說往昔因緣令諸衆生獲大善利

佛告師子莊嚴王菩薩摩訶薩言善哉善哉

汝今乃能安樂衆生故作是問諦聽諦聽善
思念之當爲汝說善男子我憶過去無量世
時有佛出興名不可思議光明如來應供正
遍知明行足善逝世間解無上士調御丈夫
天人師佛世尊時有長者名曰上施自恃豪
富不信正法而於佛所無歸敬心有一比丘

反 藉我

婆見是長者生憐愍心
起大方便要令此人發心修行得成正覺作
是念已往長者家爾時上施覩見比丘顏貌
殊勝威德備足諸根寂定容光熾盛肅然敬
重即起奉迎頂禮既訖設座令坐合掌白言
自顧薄德忽蒙臨降

爾時比丘告長者曰有大法門名八曼茶羅
功德無量今爲汝說廣欲惠利諸天人故若
有衆生聞此法門能修行者在所生處獲四
勝報一者與善知識諸大菩薩同處受生有
大眷屬資財豐足二者眷屬既多自在無礙
三者身相圓備無有疾病四者衆具自然隨

念而至縱被山壓身無痛苦能知衆生心之所念慈悲憐愍將護拯濟

爾時上施聞是法已歡喜踊躍重加頂禮讚
言善哉願爲廣說八曼茶羅最勝法門我當
修學比丘告曰汝欲知此最勝法者先發是
願我欲供養三世諸佛大菩薩衆聲聞緣覺

景九

九

作是語已道場之處當作方壇名曼茶羅廣
狹隨時其最小者縱廣四指或一拃手用種
種香及以餘物或地上作方院之內列八圓
場爲欲供養八菩薩故何等爲八觀世音菩
薩彌勒菩薩虛空藏菩薩普賢菩薩執金剛
主菩薩文殊師利菩薩止諸障苦薩地藏菩
薩如是長者此八曼茶羅最勝法門是彼不
可思議光明如來所說我親受持今爲汝說
應當修學廣令流布用此善根迴向阿耨多
羅三藐三菩提長者當知若有修行此八法
者則爲供養三世諸佛大菩薩衆緣覺聲聞
斯人常爲諸天擁護若諸國王能自修學若

使人作所王國內諸惡皆滅諸善男子及善女人有能修學八法門者命終之後不墮惡趣邊地邪見不善律儀貧窮家生是故當知欲得現在未來勝上報者當學如上八種法門欲得受身端正聰明利智若欲上生四天王處亦應修學八曼荼羅如是欲生三十三

天夜摩天兜率陀天化樂天他化自在天乃至帝釋梵王魔王轉輪聖王所生處者皆當修學如上八法欲得天上人中大姓家生眷屬成就財寶盈溢身心安樂名稱遠聞所出教命無不信受於諸衆中最尊最勝皆應修學如上八法若欲修成須陀洹果斯陀含果

阿那含果阿羅漢果辟支佛道入菩薩位乃至阿釋多羅三藐三菩提皆當修學八曼荼羅供養法門

我從是來經於多劫修行供養此八法門具獲如上功德利益餘有衆生隨能修學亦皆同獲如我所得善男子我行菩薩道來經三阿僧祇劫修滿六度利益衆生成等正覺所有光明威德勢力破魔兵衆斯誰力乎皆由供養八曼荼羅道場功德是故衆生聞說如景九

上八種法門無宜不學若以華香燈明若以飲食幡蓋衣服音樂讚歎禮拜發願懺悔隨其力能皆蒙福祐或行六波羅蜜時修立道場以諸香水若香塗地若水若土作方圓壇斯即名為檀波羅蜜修供養時身口意業不惱衆生斯即名為尸羅波羅蜜修供養時若有蟲蟻來入道場驅去還來爾時安忍斯即名為羼提波羅蜜修供養時善心相續斯即名為毗梨耶波羅蜜心不散亂一心供養斯即名為禪波羅蜜作業之時方壇圓場無有偏斜善能通曉廢立機候斯即名為般若波羅蜜善男子如是一法隨心變現即能具足

六波羅蜜應當廣說教化衆生爲大利益乃至成佛

說此經已師子莊嚴王菩薩摩訶薩及諸天龍夜叉乾闥婆阿脩羅迦樓羅緊那羅摩睺羅伽人非人等皆大歡喜信受奉行

師子莊嚴王菩薩請問經

師子素默婆王斷肉經

景九

素默下唐音獵狼輒雹蒲角反牝母上毗尼反數叟音迅
私潤反體胤下余一盈反老邁敗反冊又陌闡拔達反
捕音反嬰孩下戶哀反嗜音視氣噎下於訴音素
告上苦反囚繫下似由反峻巖上私聞反控

師子莊嚴王菩薩經序

十一

藉才夜反圖範下音范密隆上烏反挾道上胡反騎羅字

自恃市下音反三瞞我反山壓下音知拯濟上蒸聲

廣浹夾反操手隔反盈溢貨反名稱下夷上去聲遠

聞下音蠶蟬下語反羣提上初眼反屬二初